



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

BROJ: T20 0 KTA 0021854 22

Sarajevo, 22.02.2022.godine

Na osnovu člana 35. stav 2. tačke e) i člana 216. stav 3. ZKP-a BiH, donosim

**N A R E D B U**  
o nesprovođenju istrage

Neće se sprovesti istraga po mailu [REDACTED] zaprimljenog putem službenog e-maila MUP KS, [REDACTED], zbog navodno počinjenog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. KZ BiH, jer nema dovoljno dokaza za osnove sumnje za počinjenje navedenog krivičnog djela.

**O b r a z l o ž e n j e**

Tužilaštvo BiH je [REDACTED] od Kantonalnog Tužilaštva Sarajevo [REDACTED] zaprimilo dopis kojim se dostavlja predmet na nadležni postupak Tužilaštvu BiH zbog eventulnog postojanja elemenata krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. KZ BiH.

Naime [REDACTED] KT Sarajevo je od strane MUP-a Kantona Sarajevo [REDACTED] zaprimilo dopis [REDACTED] u kojem se navodi komentari sugrađana na području Rogatice u vezi natpisa „Jasenovca nije bilo mi znamo“, nakon čega se komentariše navedeno na društvenoj mreži [REDACTED] na profilu [REDACTED] riječima „srbski junaci, djeca im pomrla u teškim mukama, Inshallah“, „Smrde četničke, lažljive, i sl. a vezano za netrpeljivost prema srpskom narodu.

Na osnovu gore izloženog odnosno samo činjenice podnošenja maila na službeni mail MUP-a KS, [REDACTED] pod nazivom maila „Izaivanje nacionalne i vjerske netrpeljivosti“, ne može se sa sigurnošću utvriti identitet podnosioca

maila, ko je i kada i prema kome,“ izazivao nacionalnu, rasnu i vjersku mržnju, razdor i netrpeljivost odnosno eventualno počinio krivično djelo Izazivanja nacionalne, rasne i vjerske mržnje razdora i netrpeljivosti iz člana 145a stav 3. KZ BiH, te je stoga riješeno da se dalja istraga neće voditi, pa je donesena odluka kao u dispozitivu naredbe.

T U Ž I L A C  
TUŽILAŠTVA – TUŽITELJSTVA BiH